



FLETORJA ZYRTARE

E

REPUBLIKËS SË SHQIPËRISË

Botim i Qendrës së Publikimeve Zyrtare

Nr. 88

2003

Tetor

P Ë R M B A J T J A

	Faqe
Vendimi i KM nr.678, datë 16.10.2003	
Për trajtimin e punonjësve civilë, që dalin të papunë nga reforma në Spitalin Ushtarak Qendror Universitar	3877
Shpallje kërkesë për shpronësim me objekt ndërtimin e segmentit rrugor Shkodër-Kthesa Vau I Dejës (shitesë vendimi)	3878

VENDIM
Nr.678, datë 16.10.2003

**PËR TRAJTIMIN E PUNONJËSVE CIVILË, QË DALIN TË PAPUNË NGA REFORMA NË
SPITALIN USHTARAK QENDROR UNIVERSITAR**

Në mbështetje të nenit 100 të Kushtetutës, të nenit 5 të ligjit nr.8930, datë 25.7.2002 "Për miratimin e strategjisë ushtarake të Republikës së Shqipërisë", të pikës 2 të nenit 29 të ligjit nr.8379, datë 29.7.1998 "Për hartimin dhe zbatimin e Buxhetit të Shtetit të Republikës së Shqipërisë" dhe të nenit 58 të ligjit nr.7703, datë 11.5.1995 "Për sigurimet shoqërore në Republikën e Shqipërisë", i ndryshuar, me propozimin e Ministrit të Mbrojtjes, Këshilli i Ministrave

VENDOSI:

1. Punonjësit civilë, që, më datë 1.9.2003, mbetën të papunë nga reforma në Spitalin Ushtarak Qendror Universitar, të trajtohen financiarisht, për një periudhë 6-mujore, në masën 100 për qind të pagës bazë mujore dhe të shtesës për vjetërsi në punë, në çastin e shkëputjes së marrëdhënieve financiare.

2. Për punonjësit e trajtuar sipas pikës 1 të këtij vendimi të derdhen kontributet e sigurimeve shoqërore të detyrueshme, nga Buxheti i Shtetit në fondin e sigurimit shoqëror të detyrueshëm.

3. Periudha e pagesës për këta persona të njihet si periudhë sigurimi, për efekt përfitimi pension pleqërie, invaliditeti dhe familjar, sipas ligjit nr.7703, datë 11.5.1993 "Për sigurimet shoqërore në Republikën e Shqipërisë", i ndryshuar. Kjo periudhë të shënohet në librezën e punës.

4. Të drejtën e trajtimit e kanë ata punonjës që kanë qenë të punësuar në Spitalin Ushtarak Qendror Universitar pa ndërprerje, për një periudhë kohe jo më pak se 1 vit e që nuk zhvillojnë veprimtari ekonomike si punëdhënës, punëmarrës ose të vetëpunësuar. Në rast të kundërt, u ndërpritet trajtimi që përfitojnë sipas këtij vendimi.

5. Fondet financiare, të nevojshme për kryerjen e pagesave dhe për sigurimet e detyrueshme, në shumën 23 000 000 (njëzet e tre milionë) lekë, të përballohen nga Ministria e Mbrojtjes.

6. Caktimi, administrimi e pagimi i trajtimit dhe derdhja e kontributit të sigurimeve shoqërore të detyrueshme të këtyre punonjësve të bëhen nga Spitali Ushtarak Qendror Universitar.

7. Ministrisë së Mbrojtjes, në buxhetin e miratuar për vitin 2003, nga zëri "Mallra e shërbime" t'i zbritet shuma prej 15 000 000 (pesëmbëdhjetë milionë) lekësh, e cila të kalojë në zërin "Shpenzime për pagat", për përballimin e efekteve financiare për këtë vit.

8. Ngakohen Ministria e Mbrojtjes dhe Ministria e Punës dhe e Çështjeve Sociale për nxjerrjen e udhëzimit përkatës dhe për zbatimin e këtij vendimi.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1.9.2003.

KRYEMINISTRI
Fatos Nano

SHPALLJE KËRKESE PËR SHPRONËSIM

Ministria e Transportit dhe e Telekomunikacionit shpall kërkesë për shpronësim publik të pasurive të paluajtshme për ndërtimin e segmentit rrugor Shkodër–Kthesa Vau i Dejës (shtesë

vendimi).

Subjekti kërkues i këtij shpronësimi është Drejtoria e Përgjithshme e Rrugëve. Me anë të këtij publikimi në shtyp kërkohet të vëmë në dijeni personat që preken nga ky shpronësim.

Vënia në dijeni konsiston në sipërfaqen që shpronësohet dhe masën e vlerësimit nga Komisioni i Shpronësimit pranë Ministrisë së Transportit dhe të Telekomunikacionit për personat sipas listës emërore të mëposhtme.

Ky publikim do të jetë për një periudhë njëjavore, dhe brenda 15 ditëve nga plotësimi i këtij afati për publikimin, personat që kanë emrat në listën emërore kanë të drejtën të paraqesin pretendimet e tyre të shoqëruara me dokumentet përkatëse në sektorin e shpronësimeve në Ministrinë e Transportit dhe të Telekomunikacionit.







Fletorja Zyrtare gjendet:

- në çdo njësi postare të çdo qyteti;
 - pranë Qendrës së Publikimeve Zyrtare:
- Rr. Qemal Stafa, pranë ndërtesës së Prokurorisë së Përgjithshme.

Pranë Qendrës së Publikimeve Zyrtare mund të gjeni:

Kodi Penal <i>Botim i Qendrës së Publikimeve Zyrtare</i> Mars, 2002	Kodi i Procedurës Penale <i>Botim i Qendrës së Publikimeve Zyrtare</i> Shtator, 2002	Kodi i Procedurës Civile <i>Botim i Qendrës së Publikimeve Zyrtare</i> Korrik, 2002	Kodi Civil <i>Botim i Qendrës së Publikimeve Zyrtare</i> Shtator, 2003	Kodi Rrugor <i>Botim i Qendrës së Publikimeve Zyrtare</i> Qershor, 2002
Kodi Penal Ushtarak <i>Botim i Qendrës së Publikimeve Zyrtare</i> Tetor, 2002	Përmbledhëse legjislacioni në fushën e Përmbarimit <i>Botim i Qendrës së Publikimeve Zyrtare</i> Tetor, 2002	Kodi i Familjes i Republikës së Shqipërisë <i>Botim i Qendrës së Publikimeve Zyrtare</i> Shtator, 2003	Kodi i Punës i Republikës së Shqipërisë <i>Botim i Qendrës së Publikimeve Zyrtare</i> Shtator, 2003	Kodi Zgjedhor i Republikës së Shqipërisë <i>Botim i Qendrës së Publikimeve Zyrtare</i> Shtator, 2003

Doli nga shtypi më 23.10.2003

Tirazhi: 4300 copë	Formati: 60x88/8
--------------------	------------------

Shtypshkronja e Qendrës së Publikimeve Zyrtare
Tiranë, 2003

Çmimi: 150 lekë